



PEJABAT SETIAUSAHA KERAJAAN NEGERI SELANGOR

**KERATAN AKHBAR
10 Jun 2019 (ISNIN)**



DISEDIAKAN OLEH :
SEKSYEN KOMUNIKASI KORPORAT

AKHBAR	SINAR HARIAN
TAJUK BERITA	USAH POLITIKKAN PERLANTIKAN LATHEEFA
MUKA SURAT	19

Usah politikkan perlantikan Latheefa

SHAH ALAM-Perlantikan Latheefa Beebi Koya sebagai Ketua Pesuruhjaya Suruhanjaya Pencegahan Rasuah Malaysia (SPRM) dilakukan mengikut perlembagaan.

Menteri Besar Amirudin Shari berkata, dalam soal ini semua pihak seharusnya menghormati perlantikan tersebut dan tidak menjadikannya sebagai isu atau modal politik.

“Perlantikan berkenaan mengikut bidang kuasa Perdana Menteri, Tun Dr Mahathir Mohamad dan dilakukan mengikut perlembagaan negara.

“Segala pertikaian yang timbul kita fahami, namun kita belum boleh melakukannya, perlu tindakan awalan sebelum sesuatu perubahan



AMIRUDIN

dilaksanakan,” katanya semalam.

Memetik laporan media tempatan, katanya, pandangan yang dilontarkan oleh Ahli Parlimen Bukit Gelugor, Ramkarpal Singh juga sangat jelas.

“Saya rasa pandangan itu itu perlu dihormati dan bukan menjadi isu politik lebih lagi di suasana Aidilfitri ketika ini,” katanya.

6 Jun lalu, Ramkarpal

berkata pengakuan Perdana Menteri Tun Dr Mahathir Mohamad bahawa beliau sendiri yang memilih peguam Latheefa Koya dilantik menjadi ketua pesuruhjaya SPRM patut dibimbangi.

Katanya, Menteri Di Jabatan Perdana Menteri Liew Vui Keong tidak dapat menjawab persoalan pokok yang ditanyakan apabila mengatakan pelantikan tersebut dibuat dengan berlandaskan undang-undang.

Terdahulu, Latheefa dilantik sebagai Ketua Pesuruhjaya SPRM yang baharu berkuat kuasa 1 Jun lalu selepas Datuk Seri Mohd Shukri Abdull menamatkan kontraknya lebih awal.

AKHBAR	SINAR HARIAN
TAJUK BERITA	LUBANG TENGAH JALAN PUNCA KEMALANGAN
MUKA SURAT	20

Lubang tengah jalan punca kemalangan

TANJONG KARANG - Keadaan jalan utama yang rosak dan berlubang di Parit 3, Sungai Burong di sini umpama perangkap maut buat pengguna terutamanya penunggang motosikal.

Lebih teruk, kejadian kemalangan membabitkan penunggang motosikal yang tular pada Jumaat lalu akibat terlanggar lubang di tengah laluan itu menimbulkan kemarahan orang ramai.

Perkongsian page akaun Facebook, Produk Ikatan Silaturrahim Brotherhood itu turut meminta orang ramai mendoakan mangsa kemalangan terbabit selamat.

“Sama-sama doakan penunggang selamat. Darah dah keluar dari hidung dan mulut. Lubang tengah jalan.

“Projek naik taraf jalan JKR. Lokasi: Tanjung Karang menghala ke Sekinchan. For our fallen brothers,” katanya memetik kenyataan dalam hantaran itu.

Isu sama turut dikongsi dalam satu hantaran page akaun Facebook, Sekinchanku Sayang pada 8 Jun lalu.

“Jalan Persekutuan Parit 3 Tanjung Karang Selangor...berlubang malam tadi.

“Lubang ini menyebabkan penunggang motorsikal parah dan kritikal dalam bilik pembedahan.



Insiden kemalangan membabitkan penunggang motosikal akibat terlanggar lubang di tengah jalan di Parit 3, Sungai Burong tular di media sosial.

“Musim hujan ni jalan raya baru banyak berlubang di merata tempat. Sebab AWC jalan masih lembut,” katanya memetik kenyataan itu.

Sementara itu, Pengerusi Majlis Keselamatan Jalan Raya Daerah Kuala Selangor, Mohd Faizal Abd Raji menjelaskan, jalan terbabit sudah diturap selepas tular insiden

kemalangan terbabit.

“Jalan itu sebenarnya sedang dinaiktaraf dan memang ia diselia oleh kontraktor yang bertanggungjawab dalam projek terbabit.

“Bagaimanapun sejak berita kemalangan tersebut tular, pihak JKR Daerah Kuala Selangor memaklumkan kerja baik pulih akan dilaksanakan segera,” katanya.